

# FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 240 · 2 JULIE 2021

Kontakbesonderhede: mediasentrum@framesby.co.za

## ZAHN WEN PE GHOLFKLUB KAMPIOENSKAP!

Baie geluk aan Zahn Scholtz (Gr. 12) wat die Port Elizabeth Gholfklub kampioenskap gewen het! Zahn het met elf houe gewen met tellings van 82 en 78. Jy laat ons bres bors rondloop, Zahn!!



## SOMMER IN 'N GRÓÓT KOLLIG!

Ons het verlede week Cara-Mari Botha gelukgewens met haar kwalifisering om aan die finale rondte van dramaweb SA deel te neem. Min het ons egter geweet dat daar nít nege akteurs vir die finale rondte gekeur is! Dit maak Cara-Mari se keuring nóg meer merkwaardig!

Sy neem Saterdag, 3 Julie, om 15:00 deel. Ons kan haar ondersteun en na haar optrede op die volgende webwerf kyk: [www.dramawebSA.co.za](http://www.dramawebSA.co.za) Ons hou vir haar styf duime vas en hoop dat sy tydens die prysuitdeling om 17:30 ([www.dramawebSA.co.za](http://www.dramawebSA.co.za)) haar naam onder die eerste drie deelnemers sal hoor. Ons het dan ook verlede week genoem dat ons nog vir die res van die kandidate se uitslae wag. Dit het ons intussen ontvang en ons plaas dit hier onder. Ons is baie trots op elkeen van hierdie leerders. Goed gedoen!

### Dramaweb SA Uitslae:

#### CUM LAUDE – 95%+

Cara-Mari Botha  
Lara Nel

#### GOUD – 80% - 89%

Lara Benn  
Johan Van der Walt

#### SILWER – 70% - 79%

Ashleigh Frazenburgh  
Monique Kruse  
Megan Landman  
Ruan Nel  
Heila Oosthuizen  
Marco Sprong  
Milla Van der Merwe  
Alouise Vosloo

#### BRONS – 60% - 69%

Elmien Hartslef  
Jenna O'Ehley  
Liane Vlok  
Zane Vlok  
Juan Whittle

HIERDIE WEEK SE FAKKEL-FLITSE WORD MET TROTS GEBORG DEUR:  
**SUNRIDGE VILLAGE**



Centre Management:  
041 360 9442



Kragga Kamma Road,  
Sunridge Park



GENERATED POWER 24/7



# UIT DIE HOOF SE KANTOOR

Beste Ouers

Ek haal Matteus 16 vers 15 en 16 aan. "Maar julle, het Hy gevra, wie sê julle, is Ek? Simon Petrus het geantwoord: U is die Christus, die Seun van die lewende God." Alle eer aan ons Hemelse Vader!

Ons het met leedwese verneem dat Monique van Rooyen (Graad 12) se mamma asook Nadia Du Plessis (Graad 12) se stiefpappa oorlede is. Ons gebede is met hierdie families wat geliefdes aan die dood moes afstaan. Mag ons Hemelse Vader hulle ook in hierdie tyd besonder bystaan en vertroos.

Ek wil graag die volgende belangrike sake onder u aandag bring:

## A) NUWE ONDERWYSERS SLUIT BY FRAMESBY AAN

Die Beheerliggaam het die volgende onderwysers vanaf die derde kwartaal by Hoërskool Framesby aangestel:

- Me. Jani Gerber - Afrikaans
- Me. Irene Louw - Afrikaans
- Me. Betsie Janse van Rensburg – Lewensoriëntering
- Mn. Erwin Itterhagen Strauss - Wiskunde
- Mn. Phillip Bosch – Lewensoriëntering/Geskiedenis/Aardrykskunde/Leesprogram

Hierdie onderwysers word by die akademiese program ingedeel tot voordeel van u kinders. U kind mag dus moontlik volgende kwartaal 'n nuwe onderwyser/es voor hulle in die klas hê. Ons hoop dat u begrip hiervoor het. Drie van hierdie poste is nuwe Beheerliggaamposte. 'n Duidelike bewys dat die Beheerliggaam skoolfonds tot voordeel van u kind aanwend.

## B) KWARTAALVERSLAE

Verslae sal in volgende kwartaal aan leerders uitgereik word.

## C) HEROPENING VAN SKOLE OP 19 JULIE 2021

Skole heropen op 19 Julie 2021. Ons sal nog steeds die huidige model volg en die Covid situasie fyn dophou voordat ons die graad 8- en 9- leerders almal terugbring.

Ouers, indien die opening van skole moontlik uitgestel word, sal ons in van die kernvakke vir graad 10 tot 12 met aanlynonderrig/vakansieskool vanaf 19 Julie 2021 voortgaan. Ander grade sal later met aanlynonderrig begin indien dit vereis word.

Ons het voorsorg getref vir leerders wat nie toegang tot die internet het nie, of beperkte toegang. Ons stel die skool se internet gedurende daardie tyd vir aanlyn onderrig beskikbaar. Ouers/leerders kan tot by die skool kom en op die skool se WiFi in die volgende areas aanteken:

Buite WiFi punte:

1. Rugby Veld (A-veld voor klerewinkel)
2. Mediasentrumvierkant (By die 2 opslaanklasse)
3. Parkeerarea by Hek B (Voor klerewinkel)

Toegang tot die volgende webtuistes sal gegee word:

1. E-Posse: (As werk na u e-posadres gestuur word, kan u dit aflaai)



Centre Management:  
041 360 9442



Kragga Kamma Road,  
Sunridge Park



GENERATED POWER 24/7



- a. Gmail
  - b. Yahoo Mail
  - c. Hotmail
  - d. Outlook
2. Whatsapp (Kommunikasie met onderwysers)
  3. Wolkskool (Waar u werk sal kan aflaai)

Ons sal later die nodige SSID en wagwoord aan ouers en leerders stuur.

#### D) REGISTRASIE VAN LEERDERS OP FRAMESBY SE NETWERK

Ons wil omverskoning vra dat hierdie proses nog nie afgehandel is nie.

Alle leerders sal die eerste dag volgende kwartaal die eindgebruikersdokument vir toelating tot ons rekenaarsisteem ontvang. Hierdie dokument bevat alle inligting rondom reëls en die gebruik van die netwerk en internetfasilitet. Hierdie dokument moet deur alle ouers en leerders onderteken word. Hierna sal leerders op ons rekenaarnetwerk geplaas word. Toegang tot die internet webtuistes sal streng gekontroleer en beperk word.

#### E) COVID 19

Ons glo vas dat Framesby goed gerat was om Covid 19 te hanteer. Framesby het ook minimale positiewe gevalle gehad.

#### F) KWARTAALPROGRAM

Die kwartaalprogram vir slegs die eerste week van volgende kwartaal word aangeheg.

#### G) REKORDEKSAMEN – 30 AUGUSTUS 2021


Graad 12 leerders moet kennis neem dat die rekordeksamen alreeds op 30 Augustus in aanvang neem.

#### H) AFWESIGHEID - SMS

Hoërskool Framesby implementeer vanaf volgende kwartaal 'n nuwe sms-stelsel waарoor ons baie opgewonde is. U sal dus vroegoggend reeds 'n sms rakende die afwesigheid van u kind ontvang.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete




SKOOLHOOF

M.GERMISHUYS

# **FRAMESBY KAFETERIA MAAK BINNEKORT OOP!**

**AUGUSTUS  
2021**



# FRAMESBY KLEREWINDEL

DAAGLIKS OOP

VAN 08:00 - 10:00

PUMA  
“HOODIE”  
R700



# STUDENTESENTRUM VORDERING:



EINDPRODUK



# FRAMESBY OUDSKOLIERE



## ONS GESELS MET: DE-LEON VAN ROOYEN



*De-Leon van Rooyen*

So, my Framesbystorie het in 1986 begin en was 'n 'journey' van dag een af.

Soos soveel van ons mede oudleerlinge, het ek sport op hoëskoolvlak vreeslik geniet. Ek was bevoorreg om rugby van 0/14-vlak regdeur tot ons seniorvlak met manne wat hegte vriende geraak het te kon speel. Ook op die atletiekveld was daar soveel geleenthede en uiteindelik was ek ook deel van ons Sasol-atletiekspan in 1988 wat na die eindronde in Sasolburg deurgedring het. My disiplines was 1500/3000m en weereens het 'n mens soveel van jou mede-spanmaats en hulle toewyding geleer.

Dan was daar die fietsry-ding..... Ek het nog altyd 'n passie vir fietsry gehad - beide pad en baan. Ek het in 1986 en 1988 'n eerste plek by SA's behaal en het in 1987, 1989 en 1990 onder die top 3 geëindig. Ek het ook die voorreg gehad om kaptein vir die O.P. fietsry-span vanaf 1986 tot 1990 te wees. Tot vandag toe is fietsry een van my groot liefdes (nou net gebou vir "comfort" en nie spoed nie!) en weereens was dit 'n voorreg om soveel vriendskappe deur hierdie wonderlike sport te kon bou.

Op die verantwoordelikheidsfront was ek deel van ons leerlingraad vanaf Standard 8 (graad 10) tot matriek en het selfs 'n draai by ons skoolkoerant saam met 'n paar pelle, wat gedink het rugby was

die enigste ding op aarde gemaak. Wat ek altyd van Hoërskool Framesby sal onthou, is dat die skool dit beslis moontlik maak om jou drome te laat waar word. Daar was altyd geleenthede geskep en dit het van jou afgehang of jy die geleentheid gaan aan gryp. Van die grootste geeste en invloede in Hoërskool Framesby was onder andere mnr. Dan van Schalkwyk, mnr. Basie Greef, mnr. Wynandt Rauch en mnr. Johan Kritzinger. Hulle het dinge laat gebeur.

Wat Framesby as hoërskool laat uitstaan, is definitief die kweek van jarelange vriendskappe. Dis 'n massiewe voorreg om te kan sê dat ek nogsteeds my skoolpellies het - vriendskappe van meer as 35 jaar. Name soos Basil de Coning, Andries Fourie, Morne Barnard, James Stokes, Leonette Nel(Moolman) en nog vele meer vorm deel van hierdie groep.

Dit was ook "great" om my hoërskooljare saam met my jonger sussie, Elana van Rooyen, te deel. Sy was 'n Junior Springbokskut op hoërskool en is vandag 'n baie suksesvolle besigheidsvrou.

Van 'n beroepsoogpunt: ek is al vir meer as 20 jaar met internasionale verskeping as verkoopsdirekteur by ECU Worldwide betrokke - hou my uit die kwaad uit.

Ek is met 'n stunning "DF-girl", Debbie, getroud. Ons het twee pragtige dogters, Krissie wat verlede jaar by Framesby gematrikuleer het en Karla wat tans in graad 8 is.

"If you can dream it you can do it" is is een van die spesiale dinge wat my ma vir ons van baie jonge af laat verstaan het. Ook dat jy altyd mense behandel soos wat jy sal behandel wil word.

"Life is a journey, we need to live it!"



# REÜNIES 2021

Op die stadium word daar geen funksies a.g.v. Covid op ons skoolterrein gehou nie. Ons sal reünie-groepe egter op hoogte hou indien reëlings verander.

Ons vra intussen vir die volgende jaargroepe (1971, 1981, 1991, 2001 en 2011) om foto's en stories aan mnr. Rauch by [wrauch@framesby.co.za](mailto:wrauch@framesby.co.za) te stuur.

Mnr. Rauch beoog om weer 'n gedenkblad vir die jare se reünie-groepe saam te stel. Ons vra ook dat die hoofleiers van elke jaargroep met hom sal kontak maak.



## FRAMESBY OUDSKOLIERE (FOS)

### Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na [fos@framesby.co.za](mailto:fos@framesby.co.za) sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOON NOMMER:
- E-POSADRES:



**U inligting bly hoogs vertroulik.**  
Die rede hoekom ons u ID nommer benodig is om te verhoed dat ons duplike op ons sisteem stoor.

# UIT DIE ARGIEWE:

## WINTERBAL '97

deur Piet Pikkewyn



Na weke se beplanning en harde werk het die groot aand uiteindelik aangebreek. Die leerlingraad kon hul verfkaste en vuil oorpakke verruil vir aandrokke en aandpakke en saam met die res van die balgangers die spogaand bywoon. En as julle gedink het dat net die meisies mooi kan lyk, moes julle die metamorfose by van die seuns gesien het!

Die tema was die Noordpool en die hele saal is omskep in 'n wintersprokiesland, kompleet met igloo en ys. Die paartjies is bederf deur 'n knap span kelnerinne wat die driegang maaltyd voorgesit het. Die dansvloer is deur die hoofleiers geopen en mnr. Breedt was weer op sy stukke: hy het ons (aan die einde van die aand) vermaak met boeremusiek (Balke toe!).

Die dekor, heerlike kos en musiek het alles bygedra tot 'n wonderlike atmosfeer. Aan Rentia en haar medewerkers: BRAVO! Ons sien uit na volgende jaar.



5 ■ FRAMESBY FORUM, OKTOBER 1997

# UIT DIE ARGIEWE:

## 1976 MATRIEKS HOU 20-JAAR REÜNIE

Ja, met skok het die klas van '76 verlede jaar besef dat dit vanjaar reeds 20 jaar gelede is dat hulle op die skoolbanke in Framesby gesit het. Groot pogings is aangewend om die 93 persone op te spoor. Met groot ywer en hulp is daar tans 87 opgespoor. Sover bekend leef almal nog.

Op 3, 4 en 5 Mei 1996 het die groot herontmoeting plaasgevind. Vrydagavond is 'n vingerete in die personeelkamer gehou. Saterdag is ontbyt in die gymnasium gemaak en het ons op 'n toer van die skool gegaan. Baie herinneringe is opgeroep. Die potlode in die klok, die wegkruip in die houtwerkklas, die amok in die skeinatklas, Peet Vermaak se krytgooisages ens. Rugby is gekyk en die aand het ons in die gymnasium gebraai en geparty tot laat. Sondag is 'n kerkdiens gesamentlik met die skool se 30-jaar fees deur ds. André Strydom (een van ons matriekklas) gehou. Wat 'n boodskap!

Die foto's toon van die persone wat dit bygewoon het.



Neville Wepener, André Strydom, Louis Burger, Johannes Claassen, Schalk v/d Merwe, Deon v Wyk, Johannes Grobler, Gerhard van Greunen, Chris v Zyl, Christo Carlsens, David Woest, Danie Bosman, William Knight, Anton Calitz, Karin Heydenrich & Charmain Chapman. Susan la Hoult en Francois Wilke het toe reeds gaan slaap.



Hier is al die bekendes in foto 1 en ook: Johan van Wyk, Gabriel Blomerus, Dewald Grundlingh, Pierre Bergman, Yvonne Kleynhans, Anita & Corné Geldenhuys, Zelda Lotter, Francois Wilke en Petro Erasmus.

Herman Koornhof, Cedric Dudley, mej. Steinmann, mev. Koornhof en Du Bois was ook daar.

Dit was 'n fees! Die meeste mense het van ver, Pretoria, Johannesburg, Natal, Willomore ens gekom. Dit was lekker om weer saam te wees en ons sal beslis weer so maak.

Gedurende 1995 het die 1970 matriekklas 'n reünie gehou. Die volgende oud-leerlinge was daar:



Hier is die oud-leerlinge saam met oud-onderwysers:



Die drie hoofde van Framesby saam:



Dr. Visser(eerste hoof), mnr. Pretorius (huidige hoof) en mnr. Kritzinger(vorige hoof)

# UIT DIE ARGIEWE:



## FRUK en die KOOLKOPPE

16 ■ FRAMESBY FORUM, OKTOBER 1999



ERNA FERREIRA (17), 'n matriculeerling aan die Hoërskool Framesby, is die eerste hokkiesstasion nog van die skool wat in die OP se skolehokkiesspan ingesluit is. Sy is vereidig vir gekies as die OP se doelwagter vir die SA-skolehokkietoernooi van 11 tot 16 Julie op Potchefstroom. By haar is haar afrigter, die Springbekhoedewaard Nicky du Toit. Mev. Du Toit is 'n onderwyseres by Framesby. Erna het in standerd agt begin doelwagter speel en het baie hard geouf vir die welfslas wat sy behaal het.

## REÜNIE

Die 1970-klas het op 18 Augustus bymekaargekom. Na 25 jaar het hulle nogal baie vir mekaar te sê gehad!



Die jare het hierdie oud-leerlinge darem nie té slek behandel nie!



Mnr. Johan van Wyk (oud-ouderwyser), mev. Du Preez (eerste sekretariesse van Framesby) en mnr. Dudley, wat sedert die begin by Framesby skoolhou.



Die drie Framesbyhoofde: dr. D.J. Visser (eerste skoolhoof), mnr en mnr. D.T. Pretorius (huidige hoof) en J.T. Kritziner (hoof vanaf 1976 tot 1993)



# NORMA JEAN'S

## hair, nails & beauty



**BOOK NOW : 041 360 2204**  
**@ SUNRIDGE VILLAGE**